



Biīx gu ya' kam Tribunal Electoral del Estado de Durango, bhaan pui' na jax chu daaxix mi artículo 141 ta'm, mi' kam na pai' gu Constitución Política del Estado Libre y Soberano de durango; gio, 132, numeral, apartado C, fracción XV, mi' kam na pai' gu Ley de Instituciones y Procedimientos Electorales para el Estado de Durango

TUM BAI'Ñ

Nam jax ja'k mi dhaasa gu ma'nkam gui' na bhai' tu juana' nam pai' ja palhbui'ñ gu ja'tkam gui' nam cham bhai' chu'i' bhai' Tribunal del Estado de Durango, dhi' ja'pni ja'k jum duñia' na jax dhi'ñi:

NA JAX JA'K JUM DUÑIA'

MA'N. *Na jax kai'ñkam gio na jix bha tu juana'.* Dhi'ñi na ya' tum bai'ñ pui' kai'ñkam na mi dhaasa' gu ma'nkam na bhai' tu juana' nam pai' ja palhbui'ñ gu ja'tkam gui' nam cham bhai' chu'i' bhai' Tribunal Electoral del Estado de Durango, na dhi' bai'k oidha' bhai' tu juana' mi'dhir mui' jim ja'kkulhdha' nam pai'dhuuk mi dhaasa' gio ba' na jix bhaaika' nam gio ja'kbui oidha' mi'p daasa'. Bhai' nam pai' ja palhbui'ñ gu ja'tkam gui' nam cham bhai' chu'i' bhai' Tribunal Electoral del Estado de Durango, pui' kai'ñkamka' na pui' pix tu nuuka'nda' gio na tu aagi'ñdha' bhaan no'm ba xim ge'gerkamtam, jabui gu ja'tkam nam cham bhai' tu'i' ja'p na jax dhi'ñi:

- I. U'ub;
- II. Ja'tkam, comunidades gio pue'mlos o'dam gio jai' o'dam;
- III. Ja'tkam gui' nam jir jix kakokkam;
- IV. Ja'tkam jagi'gir;
- V. Ja'tkam gui' nam sia jaro'i na pix jix joi'ñdha';
- VI. Ja'tkam nap ja'p ja'kdir jiiim; gio
- VII. Ja'tkam biipibop

GOOK. *Na tu' jum a.* Gu ja'tkam nam bhai' jix chu juanakka' jum aa' nam bix tu bia'ka' dhi'ñi na tu' jum aa':

- I. Na jir ma'nkam meejikkam ka' na jix bhaai' bhaan pui' tu buada' gui' na tu' a'mkam ñiok nar ma'nkam gio na tu bhotaarda' gio ba' na bia'ka' gui' na ki'n tu bhotaar pootoga'n binkam;
- II. Na bia'ka', sia ji'k, ma'n o'm jixum baik oidha', nam pai'dhuuk mi' ba daasa';
- III. Na jir jix bhai'kamka' gio na cham tu' g e'kam k i'n uatdhikka' jura'n bia'kat gio ba' nam cham dhi' ki'n mu pai' ba' kuupa' baas pup iam gu ma'n oidha';
- IV. Na bia'ka' gu u'uan na mi dhaaka' na jir licenciado en derecho nam mi'dhir mu makia' na pai' gu institución nar silhkamka' na puchu'm jix chu maat gio na ji'k baik oidha' sia no't ba jur, na mi'dhir mui' jim ja'kkulhdha' na mit pai'dhuuk maa dhi u'uaa;
- V. Na cham puchu'm ka'm tu juanda' gio cham bhai' pai' bam ge' mkamta' na ji'x jir meejik, ya korian, distrital piam municipal jax chu'm partido poliitikota'm, na ji'k baik oidha' ba jurnia';
- VI. Na busnia' na ki'n jix bhai' chu juan bhaan gui' na tum bhotaarda' gio jabui gu ja'tkam gui' nam cham bhai' chu'i';
- VII. Na cham so'mdhikka' na ba' jix bhaaika' na tu juana', mi pai' ge'kam bui'ñor; gio
- VIII. Na mi' pui'ñ duñia' nam jax ja'k tu daaxix nam ja tigia' bhaan dhi' ki'n tum bai'ñ, na ba' bhaan busnia' gu matda' nax io'm jum a' bhaan gui' na tum bhotaarda'.

BAIK. *Gu u'uan nam a'.* Gu ja'tkam nam bhai'x chu juanakka' no' biīx chu bia' na tu' jum a' nam bhai' daa gook ka'm dhi' na bhaan tum bai'ñ jum aa' nam mi tu ua'na' gio nam mu aichdha' (go'gok), gu orinal gio na dilh mi pirmaaru', gu u'uan gui' na bhaan tum da'nsa na mi' jup tu'i' na pai' dhi'ñi: <https://tedgo.gob.mx/>.

Jai' up ba' na dhi' u'uan na bhaan tum da'nsa, gu ja'tkam nam bhai'x chu juanakka' jum aa' nam mu aichdha' nam jum daasa', dhi'ñi dhi u'uan:

- Gui' na jir dhi' pik gio copiaga'n na jix bhai' jix maaxka':

- I. Acta de nacimiento;
- II. Gui' na bhaan jix maati' nar jaro'i'dha' (INE, cédula profesional, pasaporte)
- III. U'uan na mi' jix maati' nar tu juandam (RFC) dhi' ka'm gu sueldos y salarios;
- IV. U'uan na mix maati'ka' na pai' kio (gui' na ki'n tum namki'n gu suudai', luz piam predial, na chakui ji'n gook masa'n jurnia');
- V. U'uan na mi chu daaka' nat chakui pai' tu' ki'n jum ua'tulh nam bhai'dhir bha makia' Tribunal Superior de Justicia (na chakui ji'k gook masa'n jurnia');
- VI. U'uan na mi' jix maati' nat ji'x ba tum mamtux (Título piam cédula profesional jix bhaai');
- VII. U'uan na mi' jix maati'ka' na jix bhai' jix maati' tu juan bhaan gui' na tum bhotaarda' gio ba' jabui gui' nam cham bhai' chu'i'.

- Gui' na jir dhi' pik:

- I. Na pai' chu daaxikka' na tu' jix maat gio na tu' jax ba duu xibkam gio pirmaarikkam
- II. Clave única del registro de población (C.U.R.P);
- III. Ma'n gu pooto ja'x na gu credencial; gio
- IV. U'uan na jabui jinda' gui' na jir bhai' kam Tribunal Electoral del Estado de Durango, na ya'ni jim na pai' dhi'ñi: <https://tedgo.gob.mx/>, na pai' jix gi'm mu tu a'nda';
- V. Na jir jix bhai'kam;
- VI. Na cham puchu'm ka'm tu juan gio nam pai' bam ge'mkamta' na ji'x jir meejik, ya korian, distrital piam municipal jax chu'm partido poliitiko bui'ñor, na ji'k baik oidha' ba jur
- VII. Na cham so'mdhix na ba' jix bhaai'ka' na tu juana', mi pai' ge'kam bui'ñor; gio
- VIII. Na jix a'nda' na pui'ñi ja'k titigia' na jax ja'k tu daasa' gu Sala Colegiada del Tribunal Electoral del Estado de Durango.

MAKOB. *Nam jax ja'k mi ja daasa'.* Bix gu ja'tkam nam jum daasa' ja makia' am ma'n gu clave nam bhaan jix maati' nam ju ja jotxidha' ja correo electrónico na mit ja maa na mit pai'm dai, na ki'n jai' titbi' na pai'dhuuk pui'ñi tum duñiidha'.

Na pai'dhuuk pui'ñi tum duñia' tini'ñdha' am na ba' gu jaro'i' na mim daasa' gu ma'nkam jir mi' kam ka' na pai' gui' nam cham bhai' tu'i' dhi' am gui' nam bhai' ja a' ma'n ka'm dhi'ñi na bhaan tum bai'ñ.

Na jax mui' ji chum duñia' jir dhi'ñi am:

Na ba tum mattuda' dhi' na ki'n tum bai'ñ. Dhi'ñi u'uan na ki'n tum bai'ñ mu tum mattuda' bhai' ja'p na pai' tum mattu'n, del

paaginagaram internetta'm gio redes sociales na jir dhi' ga'n ka' gu Tribunal Electoral del Estado de Durango, nam pai'dhuuk pui' ba tii'ya' na bar am gio ba' jano' juugit 16 bhaan gu septiembre 2024 bhaan gu oidha'.

Na tum daasa'. Na pai' tum daasidha' gio nam pai' tu aichdha' gu u'uan nam bhai' jum aa' baik ka'm dhi'ñi ka'm na bhaan tum bai'ñ, jir mi' ka' na pai' kiik gu Tribunal Electoral del Estado de Durango, mi' kiik 20 de Noviembre, número 1601 oriente, código postal 34000, colonia Nueva Vizcaya, Durango, Durango.

Na ji'k tanolh tu daaxix nam jum daasa' gio nam mu tu aichdha' gu u'uan na tum a', jir jano' ka' 17 dir mu juugit 19 bhaan gu septeimbre 2024 bhaan gu oidha', bhai' ja'p duk 9:00 mu juugit 15:00 horas.

Nam ba' bhaan ja palhbuidha' nam xim dako'ñdha' gu ja'tkam nam jir gui' nam cham bhai' chu'i', gu ja'tkam nam bhai'x chu juanakka' nam jir mi' kam ka' na pai' gui' nam cham bhai' chu'i', jir am nam tu chi'ñia' nam ja palhbuidha' na pai'dhuuk tu daasidha' gu secretaria general de acuerdos bhai' kam Tribunal Electoral del Estado de durango, na dhi' jum a' na dilh mu jimia' nam daasmira' gio mu tu aichdha' gu u'uan.

Ba' no' pui'ñi ja'k, jir am nam ma'n bha tañia' gu tu' nam a'nda' na ba', mi' gu ma'n o'm maakob horas nam pai'dhuuk dir pui' chiida' correo lectrónicota'm dir, gu ma'nkam na bhai'x chu juanakka' no' mit tu' bhaan taa, jix bhai' dhuñia' gu tu' no' mit tii na cham jir am.

Nam titigia' gu u'uan. Na pai'dhuuk dhi'ñi tanolh mi'dhir 20 mu juugit 23 bhaan gu septiembre 2024 bhaan gu oidha', gu secretaria general de acuerdos bhai' kam Tribunal Electoral del Estado de Durango, titigia' gu u'uan nam mi tu aichdha' gu ja'tkam nam bhai'x chu juanakka', nam ba' dhi' ki'n machia' no' mit biīx mi tu aich gui' na tu' jum aa' na bhai' ua'ñix na pai' na jax ja'k tu duñia' bhai' gook gio baik ka'm dhi'ñi ka'm na bhaan tum bai'ñ.

Nam pai' ja daasa' gu ja'tkam na mit ba ja aa. Na pai'dhuuk jum tiimo' na tim tigia' gu u'uan na mit mi ja aich gu ja'tkam nam bhai'x chu juanak, gu secretaria general de acuerdos bhai' kam Tribunal del Estado de Durango, mu tu mattuda' ma'n gu u'uan nam pai' daa binkam gu clave nam bhaan jix maati' gu ja'tkam na mit biīx mi tu aich na tu' jum a' gio gu u'uan nam bhai' ja a' na pai' na jax ja'k tum duñia' gook gio baik ka'm bhaan dhi'ñi ka'm na bhaan tum bai'ñ.

Na mu tum mattuda' dhi' u'uan na ya'm a' nam pai' daa bhai'dhir na pai' gu paaginagaram internetta'm gu Tribunal Electoral del Estado de Durango: <https://tedgo.gob.mx/>, mija'p na pai' jix maaxka' gio redes sociales na jir dhi' ga'n ka' gu tribunal.

Nam machia' nam ji'x jix chu maat. Gui' nam machia' nam ji'x jix chu maat gu ja'tkam nam jix chu juanak nam jix bhai' pui' tu duñia' gui' na tu' tum a' gio u'uan na bhai'm a' gu gokka'm gio baikka'm dhi'ñi ka'm na bhaan tum bai'ñ, pui'ñi ja'k jum duñia' na jax dhi'ñi:

Nam titigia' na tu' gio na ji'x jix chu maat. Nam titigia' na tu' gio na ji'x jix chu maat pui'ñi ja'k jum duñia' na jax dhi' ñi:

Na jax ja'k jum machia	Na ji'k aichdha'
Nat jaxchu'm ba tiimo nat tum mammtux (Licenciatura, especialidad, maestría piam doctorado)	Ji'k 4 puntos
Na ji'x jix chu maat bhaan gu materia electoral gio gu ma'tda' bhaan gu ja'tkam gui' nam cham bhai' chu'i' (seminarios, congresos gio diplomados)	Ji'k 3 puntos
No' jix bhai' chu juan bhaan dhi materia electoral gio ba' gu matda' bhaan gu ja'tkam gui' nam cham bhai' chu'i'	Ji'k 3 puntos
Biīx	Ji'k 10 puntos
No' ñiok gu jaxchu'm ñi'ok piam mui' ñi'ñi'ok o'dam piam jai' o'dam nam ya' jum ñiok meejik, señas ñi'ok meejik kam piam gu' na bhaan tum ji'ñko'i' no' cham ñia na pui' chi' Braille.	Ji'k 1 punto pup

Tum machia'. Nam machia' na ji'x jix chu maat gu ma'tda' jup jum duñia' bhaan gu u'uan ua'ñix kam, na jup jum duñia' jano' 24 bhaan gu Septiembre 2024, bhai' ja'p duk las10 mu las 12 juugit, mu na pai' jir Tribunal Electoral del Estado de Durango, na mi' kiik na pai' jir avenida 20 de Noviembre numero 1601 oriente, código postal 34000, colonia Nueva Vizcaya, Durango, Durango.

Na ba' pui' tum duñia' na jax bam tii biipi'dir, na pai'dhuuk aagix nam jup duñia' gu examen nam ji'x jix ma'tda' gu ja'tkam nam jix chu juanak mi'p tui'ka' am mambix jix chamaam minutos biipi' na pai'dhuuk mui' jim bhiichdha' gu examen gio nam mui' xim mattuda' nam jir jaro'i' gu ja credencial ki'n gio nam cham mui' ka bapki' gu ja'tkam nam mi' jix chu juanak no' bar gatuk na pai'dhuuk tu daaxis na mui' jim bhiichdha'.

Na ji'k baleerda' gu examen jir ji'k 20 puntos ka'.

Gui' nam ki'n tum mamtuxdha' nam ba' ki'n jix bhai' mui' xip duñia' gui' nam ki'n machia' nam ji'x jix chu maat mi' jimda' na pai' gu paaginagaram internetta'm gu Tribunal Electoral <https://tedgo.gob.mx/>, na pai' dhuukdir mu tum mattuda' dhi' u'uan na bhaan tum bai'ñ gio na pai'dhuuk jum tiimo' nam ja aaga' na jaro'i'.

Na tu' mi tu jimda' mi exaamenta'm nam ji'x jix chu maat jir ja'mni chu'm:

El contenido temático que podrá abordarse en el examen de conocimientos es el siguiente:

- Principios constitucionales del derecho electoral;
- Derecho electoral;
- Derecho procesal electoral;
- La función jurisdiccional en materia electoral;
- El sistema de medios de impugnación en material electoral;
- Los derechos político-electorales y su ejercicio;
- La tutela judicial efectiva en México;
- La tutela de derechos político-electorales de grupos vulnerables a través de los medios de impugnación en materia electoral; y
- La ética de la función electoral;

Nam tu ja Tikka'. Nam pai'dhuuk tu ja tikka' jir jano' ka' bhaan 25 gio 26 gu Septiembre 2024, mu na pai' jir Tribunal Electoral

Estado de Durango, na mi' kiik na pai' jir avenida 20 de Noviembre numero 1601 oriente, código postal 34000, colonia Nueva Vizcaya, Durango, Durango.

Gui' nam ki'n machia' nam ji'x jix chu maat nam xib jup jum duñia' jir pui'ñi ja'k ka' na jax chu daaxix bhan gu carrera judicial, pui' na jax jum kai'ch gu articulo 103, mi' kam Reglamento Interno del Tribunal Electoral del Estado de Durango gio bhaan dhi'ñi na ya'm a'ga:

Na jax ja'k jum machia	Na ji'k aichdha'
No't jup ba ja duu gu u'uan na ki'n tum kijaar piam no't mi' ba tu jua na pai' tum a'gada' no' tu' cham kar am	Ji'k 3 puntos
Na jix io'm te'kib jix maati' tu a'gada', gu ñi'ok na bix mi ja a'nda' gu aixim tu'm gu ja'tkam gio na jix maati' jix bhai' tu buada' gui' na cham jir am na mim a'gada'	Ji'k 2 puntos
Na jix matit jix bhai' xi ja titdat biīx	Ji'k 2 puntos
No't puchu'm ka'm ba tu jua na ja palhbui'ñdha' gui' nam cham bhai' chu'i' xi ñiidhat nam ma'n nam jax chu'i'ka' gu ubii gio chio'ñ.	Ji'k 2 puntos
Na jix matda'ka' na tu ja a'gi'ñdha', tu mamtuxda' gio na mui'kamtir tu a'ga'	Ji'k 1 puntos
Biīx	Ji'k 10 puntos

Nam tigia' gio nam mi' ba daasa'. Na pai' jum tiimo' nam tu ja tikka', gu bhai' kam Tribunal del Estado de Durango, dhi'm ki'n machia' binkam na ji'k jumpada' gu puntos bhaan na mit tii nat tu' jax ba duu gio nat ji'x ba tum mamtux, nat ji'k baabu gu examen na mit bhaan tii na ji'x jix chu maat gio ba' na ji'k jum baabu' mi' nam pai' tu ja tikka' gui' nam ji'k mi' jix chu juanak, ja'mni ja'k jum duñia' nam titigia' na jax dhi'ñi:

Na jax ja'k jum machia	Na ji'k aichdha'
Nam tigia' nat ji'x ba tum mamtux	Ji'k 10 puntos
Nam machia' na ji'x jix chu maat	Ji'k 20 puntos
Nam tu ja tikka'	Ji'k 10 puntos
Biīx	Ji'k 40 puntos

No' mit ma'n na mit ji'k ji aich, dhi' pik aaga' am gui' nar mi'kam ka' na pai' gui' nam cham bhai' chu'i' piam no' pu bajikkdir pu cham bhai' tui'dhi'.

Bhaan pui' na jax jum kai'ch biipi'dir, gu bhai'kam Tribunal Electoral del estado de Durango jup duñia' mu tu aaga' gu ma'n ñi'ok nam jup xi dhuuji nam pai' aaga' na jaro'i' mim daasa' na bhai' tu juana' na nam pai' ja palhbui'ñ gu ja'tkam nam cham bhai' chu'i' gu jaro'i' na mui' aichdha' gu puntos bhaan pui' nat mit jax ja'k tu duu na mit biipi'dir xi chu aagak.

JIX CHAMAM. *Nam ba tu mattuda'.* Jano' bhaan 26 gu Septiembre 2024, gu secretaria general de acuerdos bhai' kam Tribunal Electoral del Estado de Durango ba tu mattuda' na jaro'i' mi bi'ya' na mi'dhir busnia' na mit titii nam ji'x jix ma'tda', mi' paaginagaram internetta'm gu Tribunal Electoral del Estado de Durango <https://tedgo.gob.mx/>, mi' ja'p na pai' tum mattu'n gio redes sociales oficiales na jir dhi' ga'n ka' dhi' na jaro'i' tu bai'ñ. Gio ba', gui' na jax ja'k tum bi'ya' mu ja aagi'ñdha' correo electrónico ta'm dir gui' nam mi'x chu juanak

JIXUM MA'N No'm cham pui' ilhi'ñ nat jax chum bii. Gu ja'tkam nam ji'k mi' jix chu juanak no'm cham pui' ilhi'ñ nat jax chum bii na mit titii nam ji'x jix matda', jir am nam mu aichdha' ua'ñxim na jax nam ba' cham pui' ilhi'ñ jano' bhaan 27 gu Septiembre 2024 bhaan gu oidha'.

Gu u'uan jum aa' na mum aichdha' na pai' gu secretaria general de acuerdo bhai' kam Tribunal Electoral del Estado de Durango, gio ba' na mi'm a'gada' na jax kai'ñkam cham pui' ilhi'ñ nat jax chum bii.

Gu bhai' kam Tribunal Electoral del Estado de Durango mi' jix bhai' ba duñia' dhi u'uan nam pai' cham pui' ilhi'ñ jano' bhaan 30 gu Septiembre 2024; mi'dhir na jax jum tii'ya' pu bar dhi' ka' gio na cham makam kam duñia'.

JIXUM GOOK. *Nam mi' ba daasa' gio na pai'dhuuk mui' ji chu juana'.* Na silhkam tu a'nda' gio ba' na pai'dhuuk mui' ji bhiya' na ji'x chu juana' gu jaro'i' nam mi dhaasa' nam pai' ja palhbui'ñ gu ja'tkam nam cham bhai' chu'i' jir dhi' ka' mu defensoria publica electoral, jano' ka' bhan 01 gu Octubre bhan 2024, mi' pai' nam cham mui' mui' mi oipo da' mu Pleno del Tribunal Electoral del Estado de Durango.

JIXUM BAIK. *Gu tu' na cham yam aa'.* Gu tu' nat cham yam aa diih jix bhai' duñia' am gu bhai' kam Tribunal Electoral del Estado de Durango.

JIXUM MAKOB. *Na nai' tum mattuda' dhi' na ya' tum bai'ñ.* Na ba' xi' tum mattuda', mi' dhir mui' xi chum mattuda' dhi u'uan na bhaan tum bai'ñ mi' pagina de internetta'm, mi' na pai'x bhai'x chu maax gio redes sociales na jir dhi' ga'n ka' gu Tribunal Electoral del Estado de Durango.

MAMBiX. *Gu matda' na bhaan jix maati' nar jaro'i'dha' gu jaxchu'm ma'nkam.* Gu matda' gui' nam bhaan jix maati' nam jir jaro'i'dha' gu ja'tkam nam mi' tui'dhi' na mit tu jumpai nat pai'dhuuk dir pui' mui' ji chum duu pui' ja'k duñia' am nam ki'n tigia' gio nam machia' na jaro'i' jix ma'tda' gui' nam mi aiya' gio na ki'n tum jakkulhdha', bhaan nam jir tu', nam ji'k oidha' bia', na mit ji'x juugit tum mamtux, nam jaro'i' pu bajikkdir cham bhai' chu'i', gio ba' tu' nam ilhi'ñdha' gu bi' bhai'kam Tribunal Electoral del Estado de Dutrango gio gu secretaria general de acuerdos.

Biīx dhi' na tu' jax jum duñia' pui' ja'k bam tii'ya' na dilh jix a' na mi' pui' xi chu buada' na jax jum kai'ch dhi'ñi u'uan na bhaan tum bai'ñ.

Gu unidad de transparencia bhai' kam Tribunal Electoral Estado de Durango dhi' bui'ñor jup tutu'i' na jix bhai' xi chu buadat gu u'uan gui' nam bhaan jix maati' nam jir jaro'i'dha' gu ja'tkam. Pui'ñi ja'k ba', no'm mu jix chiigim gu u'uan na bhaan tum aagi'ñ na jax ja'm tum nuuka'n biīx piam alhi'chxikkam, bhaan pui' na jax ja'k tu daaxix gu Ley General de Proteccion de Datos Personales en Posesion de Sujetos Obligados, mi' jim: tedgo.gob.mx/documentos/Aviso_de_Privacidad_TEED.pdf